

# Studeren ja vearjogeatnegasvuohta

OANEHAČČAT JA ČIELGASIT



# Sisdoallu

Studeantta ja vearjogeatnegasa doarjagat	3
Oahpporuhta	12
Ássanlassi ja ássandoarjja	16
Oahppoloatna	18
Mo boadut váikkuhit oahppodoarjagii?	21
Doarjja skuvlamátkkiide ja mállásiidda	24
Rávesolbmuidskuvlendoarjja	29
Vearjogeatnegasa doarjagat	30
Ohcan ja máksin	33
Ná Kela bálvala	35

# Studeantta ja vearjogeatnegasa doarjagat

Dán brošyras mitaluvvo, mo Kela doarju studeanttaid ja olbmuid, geat leat leamašan soahteveagas dahje siviilabálvalusas.

Brošyra loahpas leat dieđut das, mo doarjagat ohccojuvvojit.

Brošyra mitala lohkanjagi 2021–2022 dilis. Mielde eai leat buot doarjagiid detáljat.



## Lassidiehtu nehtas ja telefavnas

Kela doarjagiid birra mitaluvvo davvisámegillii čujuhusas [www.kela.fi/davvisamegillii](http://www.kela.fi/davvisamegillii)

Studeantta ja vearjogeatnegasa doarjagiid birra mitaluvvo dárkileappot Kela suomagielat siidduin [www.kela.fi/opiskelijat](http://www.kela.fi/opiskelijat) [www.kela.fi/asevelvolliset](http://www.kela.fi/asevelvolliset)



Juos dus leat jearaldagat, sáhtát riŋget bálvalannummirii **020 692 209**

## Kela doarjagat studentii

Kela sáhttá miedihit studentii oahppodoarjaga.

Oahppodoarjagii gullet

- oahpporuhta
- oahpporuða fuolaheaddjibajádus
- oahpporuða oahppomateriálalassi
- oahppoloana stáhtadáhkádus
- ássanlassi.



Oahppodoarjaga ássanlassi sáhttá oažžut dušše, juos stuðere ovdamearkka dihte álbmotallaskuvllas dahje olgoriikkain.

Suomas ássi stuðeanta sáhttá oažžut almmolaš ássandoarjaga.

Eará Kela doarjagat studentii leat ovdamearkka dihte

- skuvlamátkedoarjja
- oahppoloatnageahpádus
- málesdoarjja.

## Oahppogeatnegasvuohta viiddiduvvo

Oahppogeatnegasvuohta viiddiduvvo, ja juohkehaš ferte stuðeret vuodđoskuvlla maŋŋá. Ovdal dán oahppogeatnegasvuohta lea nohkan vuodđoskuvlla maŋŋá.

Oahppogeatnegasvuoða viiddideapmi guoská vuos daid nuoraid, geat leat geargan vuodđoskuvllas jagi 2021 ja leat rieġádan jagi 2004 dahje dan maŋŋá.

Nuppi dási oahput šaddet nuvttá daidda nuoraide, geasa viiddiduvvon oahppogeatnegasvuohta guoská. Nuppi dási oahpuide gullet ovdamearkka dihte logahatoahput ja oahput ámmátlaš oahppolágádusas.

Nuppástus váikkuha oahppodoarjaga oahppomateriálalassái ja skuvlamátkedoarjagii 1.8.2021 rájes.

Muitalit eambo doarjagiid birra čuovvovaš siidduin.

## Gii oažžu oahppodoarjaga?

Sáhtát ohcat oahppodoarjaga,  
go álggahat studerema vuoddoskuvlla maŋŋá.

Du iežas boadut ja muhtumin maiddái du vanhemiid boadut  
sáhttet váikkuhit oahppodoarjaga oažžumii.

Sáhtát oažžut oahppodoarjaga, juos studeret

- logahagas
- ámmátlaš oahppolágádusas
- allaskuvllas
- álbmotallaskuvllas.

Rávesolbmuidlogahaga studeanttain doarjaga sáhttet oažžut  
dušše sii, geain leat vuoigatvuohta nuvtá skuvlejupmái,  
dahje geat čađahit ovtastuvvon dutkosa.  
Ovtastuvvon dutkkus oaivvilda dan, ahte čađahat  
seammaáigásaččat ámmátlaš vuodđodutkosa ja logahaga.

## Geas lea vuoigatvuohta nuvtá skuvlejupmái?

Dus lea vuoigatvuohta nuvtá skuvlejupmái,  
juos deavddát čuovvovaš eavttuid:

- Gearrgat vuoddoskuvllas jagi 2021 dahje dan maŋŋá.
- Leat riegdan jagi 2004 dahje dan maŋŋá.

Buot skuvlejumit eai leat nuvtá,  
váikke don deavddášit eavttuid.  
Dárkkis iežat oahppolágádusas,  
leago skuvlejupmi nuvtá.

Juos boadát olgoriikkain Supmii studeret,  
it dábálaččat sáhte oažžut oahppodoarjaga.

Juos studeret olgoriikkain,  
sáhtát oažžut oahppodoarjaga Suomas.  
Dus galget goittotge leat ovdamearkka dihte ássama dahje  
bearašgaskavuodaid bokte bissovaš oktavuodát Supmii.

## Gii ii oaččo oahppodoarjaga?

It sáhte oažžut oahppodoarjaga,  
juos oaččut ovdamearkka dihte čuovvovaš doarjagiid:

- bargguhisvuodabeaiveruđa dahje bargomárkandoarjaga
- buohcanbeaiveruđa
- veajuiduhttinruđa oahpuid várás
- ealáhaga (ii guoskka bearašealáhaga)
- vurohallanluopmobuhtadusa
- oahppodoarjaga olgoriikkain
- rávesolbmuidskuvlendoarjaga.

Juos oaččut rávesolbmuidskuvlendoarjaga,  
sáhtát goittotge oažžut dan lassin oahppoloana  
stáhtadáhkádusa.

It oaččo oahppodoarjaga dallege, juos

- leat bargofápmoskuvlemis
- leat oahpposoahpamušskuvlemis
- leat vearjo- dahje siviilabálvalusas.

### **Buohccán**

Juos buohccát stuđerema áigge,  
sáhtát báhcit buohcuvuodálupmui  
ja ohcat Kelas buohcuvuodabeaiveruđa.  
Juos dutnje mieđihuvvo buohcuvuodabeaiveruhta,  
Kela heaittiha oahppodoarjaga automáhtalaččat.

### **Vearjo- ja siviilabálvalus**

It sáhte oažžut oahppodoarjaga  
vearjo- dahje siviilabálvalusa áigge.  
Juos oaččut oahppodoarjaga  
ja manat vearjo- dahje siviilabálvalussii, almmut das Kelai.  
Kela heaittiha oahppodoarjaga.  
Sáhtát ohcat doarjaga ođđasit,  
go joatkkát oahpuid.

### **Oahppodoarjja logahatstudentii ja ámmátstudentii**

Kela sáhttá juolludit oahppodoarjaga  
logahatoahpuide ja ámmátlaš skuvlejupmái.  
Rávesolbmuidlogahagas sáhtát oažžut doarjaga dušše dalle,  
juos dus lea vuoigatvuohta nuvttá skuvlejupmái dahje  
juos leat čadaheamen ovttastuvvon dutkosa.

Sáhtát oažžut doarjaga maddái eará oahpuide,  
ovdamearkka dihte

- oahpuide álbmotallaskuvllas dahje  
valáštallanskuvlenguovddážiis
- válbmaneaddji skuvlemii
- logahakii ráhkkaneaddji skuvlemii
- rávesolbmuid vuodđooahpahussii.

Oaččut oahppodoarjaga mearreáigái.

Logahatoahpuide doarjja juolluduvvo álggos  
goalmmát oahppojaigi lohppii.  
Ámmátlaš oahpuin doarjja juolluduvvo  
oahpuid viidodaga vástideaddji áigái.

Juos oahput joatkašuvvet dan maŋŋá,  
galggat ohcat doarjaga lasseáigái sierra.  
Juos gearrgat oahpuiguin ovdalgo leat plánen dahje  
gaskkalduhtát oahpuidat, de muitte almmuhit áššis Kelai.



## Oahppodoarjja allaskuvlastudentii

Sáhtát oažžut oahppodoarjaga, go leat čadaheamen

- allaskuvladutkosa universitehtas dahje ámmátallaskuvllas
- ámmátallaskuvlaoahpuide válbmejeaddji, sisafárrejeaddjiide dárkkuhuvvon skuvlejumi
- sierra árvosáni dahje oahppoollisvuoda allaskuvladutkosa maŋŋá.

Oahpuid viidodat váikkuha dasa, man guhká sáhtát oažžut oahppodoarjaga. Ovtta lohkanjagi áigge oahppodoarjja máksojuvvo dábálaččat 9 mánotbajis.

Vai oaččut oahppodoarjaga, oahput galget ovdánit. Kela čuovvu oahpuid ovdáneami.

## Man olu oahppodoarjaga oažžu?

Juos stuđeanttas eai leat mánát, son sáhtá oažžut oahpporuđa ja oahppoloana eanemustá sulaid 900 euro mánotbajis. Dán supmis sulaid 250 euro lea oahpporuhta ja 650 euro lea oahppoloatna.

Juos stuđeanttas leat mánát, son sáhtá oažžut oahpporuhtii mánnábajádusa.

Dán lassin stuđeanta sáhtá oažžut almmolaš ássandoarjaga.

Sáhtát ieš árvvoštallat Kela siidduin rehkenastiin, man olu oaččut stuđeantta doarjagiid (suomagillii)

[www.kela.fi/laskurit](http://www.kela.fi/laskurit)

Oaččut dárkilut dieđuid oahpporuđas, ássama doarjagiin ja oahppoloanas dán brošyra čuovvovaš siidduin.



# Oahpporuhta

17 jagi deavdán stuđeanta sáhtta oažžut oahpporuđa. Vuolled 17-jahkásaš sáhtta oažžut oahpporuđa oahppomateriálalasi.

Oahpporuđa mearrái váikkuha dat

- man ahkásaš don leat
- mo ásat
- leatgo náitalan
- leatgo dus mánát.

Unnimus oahpporuđat leat 8–39 euro mánotbajis. Unna oahpporuđa sáhtta oažžut 17–19-jahkásaš stuđeanta, gii ássá vanhemiiddisguin.

Stuorámus vejolaš oahpporuhta dakkár stuđentii, geas eai leat mánát, lea sulaid 254 euro mánotbajis.

Oahpporuđas manná vearru. It goittotge dárbbáš máksit vearu oahpporuđastat, juos dus eai leat eará boadut.

## Oahpporuđa fuolaheaddjibajádus

Juos leat vuolled 18-jahkásaš maná fuolaheaddji, oahpporuhtii lasihuvvo fuolaheaddjibajádus. Dat lea sulaid 101 euro mánotbajis. Kela miediha dan automáhtalaččat.

## Oahpporuđa oahppomateriálalassi

Sáhtat oažžut oahppomateriálalasi, juos buot čuovvovaš eavttut ollašuvvet:

- Dus eai leat mánát itge leat náitalan.
- Du vanhemiid boadut leat oktiibuot eanemustá 41 100 euro jagis.
- Ásat vanhemiid luhtte ja leat vuolled 20-jahkásaš dahje ásat iehčanassii ja leat vuolled 18-jahkásaš.

It goittotge sáhte oažžut oahppomateriálalasi, juos dus lea vuoigatvuohta nuvttá skuvlejupmái.

## Geas lea vuoigatvuohta nuvttá skuvlejupmái?

Dus lea vuoigatvuohta nuvttá skuvlejupmái, juos deavddát čuovvovaš eavttuid:

- Gearrgat vuodžoskuvllas jagi 2021 dahje dan maŋŋá.
- Leat riegeadan jagi 2004 dahje dan maŋŋá.

Buot skuvlejumit eai leat nuvttá, váikke don deavddášit eavttuid. Dárkkis iežat oahppolágádusas, leago skuvlejupmi nuvttá.

Oahppomateriálalasi sáhttet oažžut juo 15- dahje 16-jahkásaččat, vaikke sii eai sáhte oažžut eará oahpporuđa.

Oahppomateriálalassi lea sulaid 47 euro mánotbajis.

Juos oaččut juo oahppodoarjaga, Kela miediha dutnje oahppomateriálalasi automáhtalaččat. Don it dalle dárbaš ohcat dan sierra.

Juos it vel oaččo ollenge oahpporuđa, muhto sáhtát oažžut oahppomateriálalasi, oza oahppodoarjaga oahppodoarjjaohcamušain.

### Vánhemiid boađut

Du vánhemiid boađut sáhttet váikkuhit dasa, oaččutgo don oahppodoarjaga ja man olu. Sadjásašvánhemiid dahje ovdamearkka dihte ádjá dahje áhku boađut eai váikkut oahppodoarjagii.

Juos du vánhemat leaba earránan, Kela váldá vuhtii dan vanhema boađuid, gean luhtte ásat dahje gean luhtte leat maŋemužžan ássan.

### Allaskuvlastudeanttat

Juos stuđeret allaskuvllas, vánhemiid boađut eai sáhte geahpedit oahpporuđa meari dahje eastadit dan. Juos du vánhemiin leat dušše unnán boađut, dat sáhttá váikkuhit nu, ahte oaččut eanet oahppodoarjaga.

### Logahaga, ámmáskuvlla dahje álbmotallaskuvlla stuđeanttat

Juos stuđeret logahagas, ámmáskuvllas dahje álbmotallaskuvllas, du vanhemiid boađut sáhttet váikkuhit du oahppodoarjagii, juos

- leat vuollel 18-jahkásaš dahje
- ásat vanhema luhtte.

Vánhemiid boađut sáhttet geahpedit oahppodoarjaga meari, bajidit dahje eastadit dan ollásit.

Juos ásat iehčanassii nappo eará báikkis go vanhemiid luhtte, vanhemiid boađut eai geahpet oahppodoarjaga, baicce sáhttet dušše bajidit dan. Vánhemiid boađut váikkuhit goittotge dasa, oaččutgo oahppomateriálalasi ja oahppoloana stáhtadáhkádusa.

Du vanhemiid boađut eai váikkut oahppodoarjagii, juos muhtun čuovvovaččain guoská du:

- Leat deavdán 18 jagi ja ásat iehčanassii.
- Leat náitalan.
- Leat vuolleahkásaš máná fuolaheaddji.



# Ássanlassi ja ássandoarjja

## Oahppodoarjaga ássanlasi

Oahppodoarjaga ássanlasi sáhttet oažžut stuđerejeaddjit, geat stuđerejit olgoriikkain dahje Álánndas. Sin ássanlassi lea 210 euro mánotbajis.

Ássanlasi sáhttet oažžut maiddái álbmotallaskuvlla ja valáštallanskuvlenguovddáža stuđeanttat, geaid oahput mákset ja geat áset oahppolágádusa ásodagas. Ássanlassi lea sulaid 89 euro mánotbajis.

Sáhtát oažžut ássanlasi ja eará oahppodoarjaga dušše stuđerenmánotbajiin.

Ássanlasi oažžumis ii leat ahkerádji. Vánhemiid boadut eai váikkuat ássanlassái.

## Almmolaš ássandoarjja

Suomas ássi stuđeanta sáhtá oažžut almmolaš ássandoarjaga.

Almmolaš ássandoarjja ii ohccojuvvo oahppodoarjjaohcamušain, dan várás lea sierra ohcamuš.

Borramušgácci lahtut ohcet ássandoarjaga ovttas.

**Borramušgázzi** dárkkuha olbmuid, geat áset seamma visttis bissovaččat. Dábálaččat borramušgázzi lea náittospárra, rabaslihttopárra dahje bearaš. Maiddái okta olmmoš sáhtá leat borramušgázzi.

Borramušgázzái gullelaš olbmuid boadut váikkuhit ássandoarjaga mearrái. Boadut váikkuhit eará láhkái go oahppodoarjagis.

Oaččut lasi dieđu ássandoarjagis Almmolaš ássandoarjja -brošyras ja Kela neahttasiidduin:

[www.kela.fi/assan](http://www.kela.fi/assan)

Sáhtát árvvoštallat Kela neahttasiidduin rehkenastiin, man olu oaččut almmolaš ássandoarjaga (suomagillii):

[www.kela.fi/laskurit](http://www.kela.fi/laskurit)



# Oahppoloatna

Sáhtát ruhtadit iežat oahpuid maiddái nu, ahte válddát bânkkus oahppoloana. Mávssát loana ruovttoluotta, go oahput nohket.

Sáhtát oažžut oahppoloana stáhtadáhkádusa, juos oaččut oahpporuđa dahje rávesolbmuidskuvlendoarjaga. Stáhtadáhkádus mearkkaša dan, ahte Kela máksá loana ruovttoluotta bânkkui, juos it ieš bastte máksit dan. Kela goittotge bearrá maŋŋá loana ruovttoluotta.

Oza oahppoloana stáhtadáhkádusa Kelas. Sáhtát ohcat dan seammas, go ozat oahppodoarjaga.

Go Kela lea miedihhan dutnje oahppoloana stáhtadáhkádusa, sáhtát ieš válljet, man bânkkus ozat oahppoloana. Don galggat ieš ráđđádallat loanas ja dan eavttuin, dego reanttus ja ruovttoluottamáksimis.

Oahppoloana stáhtadáhkádusa sáhtta oažžut maiddái vanhemiid luhtte ássi 18–19-jahkásaš, vaikko son ii oaččo oahpporuđa. Maiddá iehčanassii ássi vuollel 17-jahkásaš sáhtta oažžut oahppoloana stáhtadáhkádusa, juos su vanhemiid boadut leat unnit.

Vuollel 18-jahkásaš oažžu loana 300 euro mánotbajis. Vuollel 18-jahkásaš dárbbasa vanhemiid miediheami oahppoloana loktemii. 18-jahkásaš ja dađe boarrásut oažžu oahppoloana 650 euro mánotbajis. Olgoriikkain stuđerejeaddji oažžu oahppoloana 800 euro mánotbajis.

Mearridat ieš, loktetgo loana ja man ollu loana loktet hávális.

Oahppoloana reanttut lasihuvvojit loatnasubmái dan áigge, go oaččut oahppodoarjaga. Go it šat oaččo oahppodoarjaga, oaččut bânkkus rehkega, vai sáhtát ieš máksit reanttuid ja loana.

## Oahppoloatnabuhtadus

Kela sáhtta máksit oasi du oahppoloanas, juos čađahat allaskuvladutkosa mearreáiggis. Dat gohččoduvvo oahppoloatnabuhtadussan.

Oahppoloatnabuhtadus lea 40 % dan oahppoloana mearis, mii manná badjel 2 500 euro. Oahppoloatnabuhtadusas lea eanemusmearri. Eanemusmearri lea gitta das, man viiddis dutkosa leat čađahan.

Sáhtát oažžut oahppoloatnabuhtadusa, juos buot čuovvovaš eavttut ollašuvvet:

- Leat álggahan vuosttas allaskuvlaoahpuidat 1.8.2014 dahje dan maŋŋá.
- Čađahat dutkosa mearreáiggis.
- Dus lea oahppoloatna badjel 2 500 euro.

Juos it čađat dutkosa mearreáiggis, sáhtát dattetge oaččut oahppoloatnabuhtadusa, juos oahput leat hiđásmuvvan dohkálaš siva dihtii.

Dohkálaš sivva lea ovdamearkka dihte buohccán, muhto dušše dalle juos leat ožžon buohcuvuođabeaiveruđa.

Dohkálaš sivva lea maiddáí máná oažžun,  
muhto dušše dalle juos lea ožžon vanhemiidbeaiveruđa.

Dábálaččat oahppoloatnabuhtadusa ii dárbbáš ohcat.  
Kela sádde das dutnje mearrádusa,  
go leat geargan allaskuvllas.

Oahppoloatnabuhtadusa galgá goittotge ohcat,  
juos háliidat oažžut dan universitehtas čadahuvvon  
vuollil allaskuvladutkosa maŋŋá.

Juos leat čadahán allaskuvladutkosa olgoriikkain,  
almmut das Kelai.

### Oahppoloatnageahpádus

Juos leat álggahan oahpuid nu guhkes áigi dassái,  
ahte it sáhte oažžut oahppoloatnabuhtadusa,  
sáhtát dutkosa maŋŋá oažžut geahpádusa vearuid máksimis.

Loga lasi oahppoloatnageahpádusas (suomagillii):

[www.kela.fi/opintolainavahennys](http://www.kela.fi/opintolainavahennys)

### Reantodoarjja

Juos leat geargan oahpuiguin  
ja dus leat unna boadut ja oahppoloatna,  
sáhtát ohcat Kelas reantodoarjaga.  
Dalle Kela máksá du oahppoloana reanttuid.  
Don it dárbbáš máksit daid ruovttoluotta Kelai.

## Mo boadut váikkuhit oahppodoarjagii?

Dus sáhttet leat boadut seamma áigge,  
go loktet oahppodoarjaga.  
Ovttá jagi áigge dus ožžot leat boadut jahkeboahtorájá rádjai.  
Jahkeboahtorádjá mearrašuvvá dan mielde,  
galle mánotbaji nammii leat lokten doarjaga.

### Jahkeboahtorájit jagis 2021

Sáhtát oažžut boaduid goas nu kaleanddarjagi áigge.

Doarjjamánotbajit kaleanddarjagi áigge	Jahkeboahtorádjá, euro/kaleanddarjahki
1	23 554
2	22 172
3	20 790
4	19 408
5	18 026
6	16 644
7	15 262
8	13 880
9	12 498
10	11 116
11	9 734
12	8 352

Oahppodoarjja ja ássandoarjja eai rehkenastojuvvo boahun.  
Dárkkis jagi 2022 boahtorájaid (suomagillii):

[www.kela.fi/opintotuki-omat-tulot](http://www.kela.fi/opintotuki-omat-tulot)

Juos álggahat oahpuid dahje gearggat skuvllas gaskan jagi, sáhtát oažžut boađuid friddja ovdal oahpuid álggu ja nohkama maŋná. Čuovo goittotge boahTORájáid oahppománobajiid áigge. Fuolat das, ahte du boađut stuđerenáiggis leat eanemustá 696 euro mánobajis doarjjamánobaji nammi ja 2 078 euro mánobajis dakkár mánobajis, goas it leat ožžon oahppodoarjaga.

Kela sáhttá bivdit du čilget, goas leat ožžon boađuid.

Juos gaskkalduhtát oahpuid gaskan jagi, de boađut váldojuvvojit vuhtii oppa jagis.

### **Juos boađut mannet jahkeboahTORájá badjel**

Galggat ieš fuolahit das, ahte boađut eai mana badjel jahkeboahTORájá. Juos boađut mannet badjel jahkeboahTORájá, de Kela bearrá ruovttoluotta liiggás máksojuvvon oahppodoarjaga. Berrojuvvon submái lasihuvvo 7,5 % bajádus.

Juos fuomášat, ahte du boađut mannet badjel boahTORájá, de sáhtát bargat ná:

- Oza oahppodoarjaga dušše dihto oahppománobajiide.
- Almmut Kelai, ahte it váldde oahppodoarjaga dihto mánobajiin.
- Máhcat Kelai oahppodoarjaga iežat válljen mánobajiin.

Máhcat badjelmearálaš oahppodoarjaga čuovvovaš jagi cuoŋománu loahpa rádjai.



# Doarjja skuvlamátkkiide ja mállásiidda

## Skuvlamátkedoarjja

Skuvlamátkedoarjja nuppástuvvá 1.8.2021.

Dán brošyras mitaluvvo skuvlamátkedoarjagis oahppojagi 2021–2022.

Skuvlamátkedoarjagis leat sierra eavttut stuđeanttaide, geain lea vuoigatvuohta nuvttá skuvlejupmái, ja eará stuđeanttaide.

## Geas lea vuoigatvuohta nuvttá skuvlejupmái?

Dus lea vuoigatvuohta nuvttá skuvlejupmái, juos deavddát čuovvovaš eavttuid:

- Gearggat vuodđoskuvllas jagi 2021 dahje dan maŋŋá.
- Leat rieđadan jagi 2004 dahje dan maŋŋá.

Buot skuvlejumit eai leat nuvttá, váikke don deavddášit eavttuid. Dárkkis iežat oahppolágádusas, leago skuvlejupmi nuvttá.

## Skuvlamátkedoarjja stuđentii, geas lea vuoigatvuohta nuvttá skuvlejupmái

Sáhtát oažžut doarjaga beaivválaš skuvlamátkkiide, juos čađahat ovdamearkka dihte

- logahatoahpuid dahke rávesolbmuid logahatoahpuid
- ámmátlaš vuodđodutkosa
- ámmátduktosa
- ámmátlaš skuvlemii válbmejeaddji skuvlema
- oahppogeatnegasaide dárkkuhuvvon friddja čuvgehusbarggu skuvlema.

Sáhtát oažžut doarjaga, juos du skuvlamátki ovttá guvlui lea unnimustá 7 kilomehtera.

Juos dus leat unnimustá 15 mátkebeaivvi kaleanddarmánobajis, sáhtát oažžut dievas skuvlamátkedoarjaga.

Juos dus leat 10–14 mátkebeaivvi kaleanddarmánobajis, sáhtát oažžut skuvlamátkedoarjaga, muhto doarjaga mearri lea bealli dievasmearálaš doarjagis.

Juos geavahat almmolaš johtolaga dahke skuvlasáhtu, it dábálaččat mávsse mátkkiin maidege.

## Skuvlamátkedoarjja stuđentii, geas ii lea vuoigatvuohta nuvttá skuvlejupmái

Sáhtát oažžut doarjaga, juos čađahat ovdamearkka dihte

- logahatoahpuid
- ámmátlaš vuodđodutkosa
- ámmátlaš skuvlemii válbmaneaddji skuvlema.

Sáhtát oažžut doarjaga, juos du skuvlamátki ovttá guvlui lea unnimustá 10 kilomehtera.

Juos dus leat unnimustá  
15 mátkebeivvi kaleanddarmánobajis,  
sáhtát oažžut dievas skuvlamátkedoarjaga.

Juos dus leat 10–14 mátkebeivvi kaleanddarmánobajis,  
sáhtát oažžut skuvlamátkedoarjaga,  
muhto doarjaga mearri lea bealli dievasmearálaš doarjagis.

Vai don sáhtášit oažžut dievasmearálaš doarjaga,  
eaktun lea mátkebeivviid lassin dat,  
ahte mátkkit mákset badjel 54 euro mánobajis.  
Dalle mávssat dábálaččat mátkkiin ieš 43 euro mánobajis.

Vai don sáhtášit oažžut beali dievasmearálaš doarjagis,  
eaktun lea mátkebeivviid lassin dat,  
ahte mátkkit mákset badjel 27 euro mánobajis.  
Dalle mávssat dábálaččat mátkkiin ieš 21,50 euro mánobajis.

Juos geavahat Waltti-johtolaga, skuvlasáhtu  
dahje leat ieš ordnen sáhtuid,  
sáhtát oažžut skuvlamátkedoarjaga,  
vaikke goasttádusat livčče vuollil dan.

Waltti lea mátkekoarta,  
mainna sáhttá máksit mátkkiid mánggain báikegottiin.  
Skuvlasáhttu oaivvilda dan,  
ahte oahppolágádus dahje gielda ordne dutnje skuvlasáhtu  
dahje oastá dutnje mátkebilehtaid skuvlamátkkiide.

Juos dus ii leat almmolaš johtolat  
dahje skuvlasáhttu geavahusas,  
sáhtát mátkkoštit skuvlii nu mo ieš välljet,  
ovdamearkka dihte iežat biillain dahje vánhema sáhtuin.

### **Skuvlamátkedoarjaga ohcan**

Deavdde skuvlamátkedoarjjaohcamuša  
ja doaimmat dan iežat oahppolágádussii.  
Kela máksá doarjaga geavahuvvon mátkkoštanvuogi mielde  
njuolgga bileahttavuovdái, oahppolágádussii dahje dutnje.  
Juos geavahat busse,  
oaččut iežat oahppolágádusas oastinduođaštusa.

Galggat ohcat skuvlamátkedoarjaga juohke oahppojagi sierra.

### **Málesdoarjja**

Allaskuvlastudeanta sáhttá oažžut  
vuoládusa mállásiin restoránñain,  
mat leat searvan málesdoarjagii.

Mávssat mállásis unnit supmi,  
go čájehat stuđeantakoartta dahje Kela málesdoarjjakoartta.

## Allaskuvlastudeantta dearvasvuodadikšunmáksu

Jagi 2021 rájes ámmátallaskuvllaid ja universitehtaid stuđeanttat galget máksit Kelai dearvasvuodadikšunmávssu. Máksu lea sulaid 36 euro lohkanbajis.

Dearvasvuodadikšunmávssuin ruhtadit Stuđeanttaid dearvasvuodafoanda (Ylioppilaiden terveydenhoitosäätiö nappo YTHS) doaimmaid. Allaskuvllaid ja universitehtaid stuđeanttat ožžot YTHS:s dearvasvuodadikšuma.

Kela ii sádde mávssus rehkega. Galggat ieš muitit máksit dan. Máksu galgá máksojuvvot guktii jagis. Mávssu gidđalohkanbaji mávssu mañemustá 31.1. ja čakčalohkanbaji mávssu mañemustá 30.9. Sáhtát máksit mávssu neahtas:

[www.kela.fi/neahtas](http://www.kela.fi/neahtas)

## Rávesolbmuidskuvlendoarjja

Juos leat leamašan bargoeallimis unnimustá 8 jagi, sáhtát oažžut rávesolbmuidskuvlendoarjaga. Dan ii miedit Kela. Dan miediha Barggolašvuodafoanda (Työllisyysrahasto).

Oaččut lassidieduid čujuhusas

[www.tyollisyysrahasto.fi](http://www.tyollisyysrahasto.fi)

Juos oaččut rávesolbmuidskuvlendoarjaga unnimustá 8 vahku áigi, Kela sáhttá miedihit dutne oahppoloana stáhtadáhkádusa. Dáhkádus lea 650 euro mánotbajis.

# Vearjogeatnegasa doarjagat

Vearjogeatnegasvuoda čadaheapmi oaivvilda dan, ahte olmmoš manná soahtevhkii dahje siviilabálvalussii.

Vearjogeatnegasa dahje siviilabálvalusa čadaheaddji oažžu iežas bálvalanbáikkis unna beaiveruđa.

Lassin Kela sáhtta máksit soalddátdoarjaga. Dat sáhtta máksot olbmui, gii lea soahtevogas dahje siviilabálvalusas dahje su oapmahaččaide. Oapmahaš dárkkuha veartogeatnegasa náittosguoimmi ja ovtasorru, geainna veartogeatnegasas lea oktasaš mánná. Lassin oapmahaččat leat veartogeatnegasa mánát ja náittosguoimmi mánát

Kela sáhtta máksit soalddátdoarjaga maiddái dakkár olbmui, gii bohta olgoriikkain Supmii bálvalussii.

Soalddátdoarjagii gullet

- vuoddoarjja
- ássandoarjja
- ealihandoarjja
- esierandoarjja.

Lassin Kela sáhtta máksit oahppoloana reanttuid.

Soalddátveahki sáhttet oažžut

- veartogeatnegas
- náittosguoibmi
- ovtasorru, juos beallelaččain lea oktasaš mánná
- veartogeatnegasa mánná dahje náittosguoimmi mánná.

## Vuoddoarjja

Kela sáhtta máksit veartogeatnegasa oapmahažžii vuoddoarjaga.

Vuoddoarjja gokča beallelačča ja máná beaivválaš goluid, maidda eará bođut eai reahkká.

Dat leat ovdamearkka dihte borramuššii, biktasiidda ja dearvasvuodafuolahussii laktaseaddji golut.

Vuoddoarjaga dievas mearri lea sulaid 665 euro mánotbajis. Doarjaga mearrái váikkuhit bearraša bođut ja mánnálohku.

## Ássandoarjja

Kela sáhtta máksit veartogeatnegasa ja su oapmahaččaid govtolaš ássangoluid.

Kela sáhtta miedihit ássandoarjaga veartogeatnegassii dušše dalle, juos son lea ássan iehčanassii sulaid 3 mánotbaji áigge ovdal bálvalusa.

Ássangoluide rehkenastojuvvojit láigu, čáhcemávssut, šleatgamávssut, vástta, visteloana reanttut ja bearašviesu dikšungolut.

## Ealihandoarjja

Juos veartogeatnegas ii bastte máksit mánnái ealihanveahki, Kela sáhtta máksit ealihandoarjaga soahtevoga dahje siviilabálvalusa áigge.



## Sierradoarjja ja oahppoloana reanttut

Kela sáhttá máksit vearyogeatnegasa oapmahažžii ovdamearkka dihte dearvvasvuodafuolahussii dahje mánáiddikšumii laktáseaddji goluid.

Dat gohččoduvvojit sierradoarjjan.

Kela sáhttá maiddái máksit vearyogeatnegasa ja su oapmahačča oahppoloana reanttuid.

## Eará doarjagat

Juos vearyogeatnegas lea áhčiidluomus, son sáhttá oažžut áhčiidruđa.

Juos it oaččo soalddatdoarjaga, dus sáhttá leat vuoigatvuhta almmolaš ássandoarjagii. Dárkkis ášši Kela.



## Ohcan ja máksin

Oza oahppodoarjaga, almmolaš ássandoarjaga ja soalddatdoarjaga nehtas:

[www.kela.fi/neahtas](http://www.kela.fi/neahtas)

Dárkkis ohcamušas, mat čuvvosat das galget leat mielde. Maiddái čuvvosiid sáhttá sáddet nehtas.

Sáhtát ohcat doarjaga maiddái skoviin, man oaččut Kela doaimmahagain ja nehttasiidduin:

[www.kela.fi/skovit](http://www.kela.fi/skovit)

Juos ozat doarjaga skoviin, sádde dan Kelai poastta bokte.

Kela poastačujuhus lea

**Kela**

**PL 10**

**00056 KELA**

Sáhtát dikšut eanáš Kela-áššiid maiddái telefovnnas.

Go Kela lea giedahallan du ohcamuša, oaččut ruoktot mearrádusa.

Mearrádusas mitaluvvo doarjaga mearri, vuodustusat ja máksinbeaivi.

Oaččut mearrádusa maiddái dalle, juos dutnje ii leat mieđihuvvon doarjja.

Kela máksá doarjaga du bânkokontui.

Oahppodoarjaga, almmolaš ássandoarjaga ja soalddatdoarjaga máksinbeaivi lea mánotbaji 1. bânkobeavve.

## Almmut, juos du dilli nuppástuvvá

Juos du eallindilli nuppástuvvá, dat sáhttá váikkuhit maiddá daidda Kela doarjagiidda, maid don oaččut. Nuppástus sáhttá guoskat ovdamearkka dihte ássama, boađuid, bargama dahje bearašdili.

Muitte fal almmuhit nuppástusain Kelai. Sáhtát dahkat almmuhusa nehtas, telefovnnas dahje doaimmahagas.

Dus lea ovddasvástádus iežat bealis sihkkarastit, ahte Kelas leat rivttes dieđut geavahanláhkái. Dalle doarjja máksojuvvo dutnje rivttes sturrosažžan.

## Juos mearrádusas lea feaila

Juos leat dan oaivilis, ahte Kela mearrádusas lea feaila, sáhtát ohcat nuppástusa mearrádussii. Oaččut mearrádusa mielde rávvagiid das, mo nuppástus ohcojuvvo. Juos dus leat jearaldagat, váldde vuos oktavuoda Kelain.



### Nehtas sáhtát

- ohcat doarjagiid
- sáddet čuvvosiid
- dárkkistit ohcamuša dili
- sáddet ságaid
- almmuhit nuppástusain
- heaittihit doarjaga.

# Ná Kela bálvala

## Nehtas

Loga Kela doarjagiid birra sámegillii:  
[www.kela.fi/davvisamegillii](http://www.kela.fi/davvisamegillii)

Jeara ráđi:  
[www.kela.fi/kysy-kelasta](http://www.kela.fi/kysy-kelasta)

Rehkenastte doarjaga meari:  
[www.kela.fi/laskurit](http://www.kela.fi/laskurit)

Divššo áššiid nehtas:  
[www.kela.fi/neahtas](http://www.kela.fi/neahtas)

Neahttabálvalussii  
galgá čálihit iežas sisa.  
Dárbbasat  
neahttabánkodovddaldaga  
dahje mobiilannehusa.

## Doaimmahagas

Dárkkis doaimmahagaid čujuhusaid  
ja rabasáiggiid nehtas:  
[www.kela.fi/doaimmahagas](http://www.kela.fi/doaimmahagas)

## Sámegielat bálvalus

Telefonbálvalus árgan 13–15  
020 634 2894

Gáiddusbálvalus árgan 13–15:  
[www.kela.fi/gaiddusbalvalus](http://www.kela.fi/gaiddusbalvalus)

## Dárbbasatgo dulkoma?

Loga lasi dulkoma birra:  
[www.kela.fi/darbbasatgo-dulkka](http://www.kela.fi/darbbasatgo-dulkka)

## Telefovnnas

Rabas árgan 9–16.  
Áigáiaboahndoarjja.....020 692 207  
Ássan.....020 692 210  
Berran.....020 634 4940  
Bargguhisvuolta.....020 692 210  
Buohcan  
ja koarttat.....020 692 204  
Ealáhagat.....020 692 202  
Riikkaidgaskasaš dilít  
(árgan 10–15).....020 634 0200  
**Stuđeren ja vearjo-  
geatnegasvuolta..... 020 692 209**  
Vánhenvuolta.....020 692 206  
Veajuiduhttin ja  
lápmásiiddoarjagat.....020 692 205

## Várre áiggi

Sáhtát várret áiggi  
telefovnnas dahje nehtas:  
[www.kela.fi/varaa-aika](http://www.kela.fi/varaa-aika)  
dahje sáddemiin  
rávdnjepoastta čujuhussii:  
[saame@kela.fi](mailto:saame@kela.fi)

Áiggi várren nehtas odasmuvvá.  
Odasmuvvama maŋŋá  
galggat čálihit iežat sisa,  
go háliidat várret áiggi.  
Dárbbasat sisačáliheapmái  
neahttabánkodovddaldaga  
dahje mobiilannehusa.

# Kela davvisámegillii

## **Sámegielat neahttasiiddut:**

[www.kela.fi/davvisamegillii](http://www.kela.fi/davvisamegillii)

## **Sámegielat gihppagat:**

Almmolaš ássandoarjja

Áigáibohtindoarjja

Bargguhisvuolta

Buohcan ja veajuiduhttin

Ealáhagat ja eará doarjagat ealáhatoažžui

Fárren Supmii dahje Suomas olgoriikkaide

Mánnábearrašat

## **■ Stuđeren ja vearjogeatnegasvuolta**

Sámegielat gihppagiid sáhttá čálihit

Kela neahttasiidduin:

[www.kela.fi/saamenkieliset-esitteet](http://www.kela.fi/saamenkieliset-esitteet)